

ելանեմք ասեն, որոնեւ և քննեւ զամենայն անդիս ձեր, առ ով գտանիցի՝ եղիցի պարտաւոր արեան իւրոյ: Իսկ նոքա զոր միանգամ գտին՝ ՚ի վանս, ժողովեալ առաքեցին առ նոսա: Եւ քաղաքապետն խումբ մի վառեալ զօրօք գնացեալ էառ զբանալիս Յոյն եւ Լատին վանաց. ապա եկեալ էառ և զՀայոցն, և եդ առաջի դրան պահապանս ՚ի զինուորաց իւրոց զարս 20. և դուռն վանաց մնաց բաց զտիւ և զգիշեր, և զինեալ խաժամուժ ամբոխն անդադար և անարգել մտանէին և ելանէին, և հասուցանէին մահարեր վիշտս և զնեղութիւնս միարանաց: Եւ ՚ի պատճառս պահ ունեւոյ քաղաքին՝ հարին վրանս ՚ի մեծի սրարտիգին յանդիման վանացն Հայոց, ուր լցան բազմութիւն զօրաց, զորոց սէտս հոգային վանականքն: Բաց յայսմանէ հասարակ ամբոխն զինեալ, խումբ արտրեալ դիմէին ՚ի վերայ երբեմն այս և երբեմն այն վանաց՝ գոչմամբ և ազաղակաւ, սպառնացեալ սրով բառնալ զգլուխս քրիստոնէից, և տալ աւարի զինչս վանօրէից: Ապա կալան զՓոխանորդս և զԹարգմանս Յոյն և Լատին վանաց, նոյնպէս միայն զԹարգմանն Հայոց, և եդին կապանօք ՚ի դղեակն Դաւթի: Եւ մինչդեռ խորհէին այլազգիք հասուցանել ՚ի գլուխս քրիստոնէից զայլ չարիս՝ յանկարծ լուր իմն աւետեաց տարածեցաւ ՚ի քաղաքին, թէ որ ինչ լու եղեւ վասն թշնամեաց յեգիստոս՝ սուտ են և անստոյգ, և ՚ի վերայ այսր ցրուեցին զզօրս և ինքեանք հանդարտեցան. արձակեցին զկալանաւորսն՝ ետուն զխականս վանօրէից և բարձին ՚ի նօցանէ զպահապանսն: Յետ այսմ ամենայնի միարանեալ գլխաւորաց երից վանօրէից և գրեալ յայտ արարին զեղեակն ՚ի կոստանդինուպօլիս, զի ծանուցեն Արքայի դռնութիւնս այլազգեաց, և հրովարտակաւ սանձել զպսակասան բարս նոցին ՚ի պաշտպանութիւն հպատակաց իւրոց, որք ոչ են վնասակար ումեք:

Առաւել քան զայն դառնութիւն, զորս գրեցաք, կըրեցին նաեւ քրիստոնեայք Յոսիպէի: Դադարեցան գրութիւնք յերուսաղէմէ, զի բմբունէին զերթեւեկ նամականիս և բանային: Եւ յանցանել աւուրց ինչ (՚ի 21 Յուլիս) զինեալքն քաղաքին երուսաղէմի, ՚ի մետասան ժամուտունջեան յանկարծ գրոհ տուեալ յարձակեցան ՚ի վերայ